



*Selasa, 16 April 2024*

**Ogen: Kejadin 37:5-11;50:21**



**Nipi Jusup**



**B**ermimpi, kata enda la saja terjeng pengangkan manusia ernipi paksa ia tunduh. Terdauhen asa sie, bermimpi e me sada paksa sekalak jelma i bas kesadarena tapi lit arapenna kerna paksa sireh. Lit paksana pepagi siiarapkenna e jadi. Emaka rusaha, erdahin, erjuang alu la erlatih-latih gelah i bas paksana seh sura-surana e. Nina kata bijak man diberu ' *wahai wanita, kejarlah impianmu meskipun itu jauh. Namun tak boleh kau lupakan orang-orang yang kau sayangi.* ' Ertina, sekalak diberu pe arus kepe arus lit nipina kerna geluh ras masa depan. La terjeng keluarga subuk perbulangen ntah pe anak-anak. Megati alu la iarap, sekalak diberu lanai ngukuri kerna diri ras keperlunna, sabab kerina waktu, tenaga ras perayakenna sikap anak ras perbulangenna. Ngukuri waktu keluarga (family time) tapi lanai lit waktu guna dirina (me time). Labo ka ngatakan dikune sekalak diberu erkarir lanai mperdiateken keluarga. Siperlu eme kuga kita selaku diberu pe banci nehi sura-sura, nipi, aktualisasi dirina.

I bas renungenta enda ituriken kerna Jusup, salah sada anak Jakob si lit talentana kerna nipi. I bas renungenta enda labo ateta niksiki kerna nipina tapi kuga ia mentasi krina paksa geluhna, alu kesetian, kebujuren ras kinigenggengenna kedungenna idatna ulih simbelin i bas geluhna. Aminna i bas kai siituriken ndube la saja mpeturah nembek ate seninana bagepe bapana. I bas sie kepe rencana Dibata si jadi, nipi si la pernah iakapna seh erkiteken dalam geluh si ibentasina seh kal sera ras mesuiate si inanamina, i bas paksana seh ibahan Dibata. Cara Jusup nehisa alu dalam Dibata labo sitik pe lit gegeh ras beluh siandalkenna. *Bujur saja ukurindu dat me sangap*, nina syair lagu KEE No. 299. Kerina kiniulin ras kebujuren jadi sada hal siiperhitungken Dibata i bas kegeluhenta. Bagemin kita i bas ndalani kegeluhenta, erjuang nehi sura-surata, ula kal mpersilahkan nilai-nilai kekristenen, nilai simehuli ibas geluh enda, la saja man banta tapi man kerinana.

➤ *Tep-tep jelma lit nipina, mari sipeturah ras sisefi*